

29 majo 2022

Compleanno Graziella de Memo

Al 29 de majo de quel ano
Ivetta e Umberto gà buo
on regalo a dir poco strano
dopo de Paolo primo vegnuo
riva sta tosa fresca e bela
e in grassia de la Madona
i spera che la diventa santa
dandoghe 'l nome de Graziela!
La Vergine de le Grassie de Robegan
la gà messa so 'na giusta strada
prima dandoghe come bona man
da far badante a Denis inpegnada
fin al vintioto jenaro del setantaoto,
che, contenta, sposa 'l mejo de la coàda,
proprio on brao e gran bel zovanoto,
ultimo fiolo de Giovani de i Casarini
de nome Guglielmo dito Memo,
dal todesco: "omo che ronpe i cantini".
In chirurgia po' co Krater 'l supremo,
par tanti ani fin rivar a la pension.
Pensava finalmente de stare in pase
quando ghe riva 'na nova mission,
starghe drio a chi mai no tase
e no 'l scolta gnanca par scherso
dandoghe a Graziela gran spavento,
volendo far tuto drio al so verso.
Ela soridente, inamorà senza lamento,

la se lo rancura da brava badante
fedele al destin de le done sante
come Ivetta e Umberto gavea previsto
metendoghe 'l nome de la mare de Cristo!
Graziela! intanto noiatri te femo i auguri
Che par cent'ani amor, passienza e speranza
la Madona de le Grazie senpre te procuri!
Te vedemo ben postada ne la lungimiranza
de discontentare i tui 'ndando presto co le sante,
ma te preghemo, ne la nostra ignoranza,
no sta molare in pressa de far la badante
no volemo a le svelte perdar do amissi sinceri
e proprio par questo te femo i auguri pi veri!

Noale, 29/05/2022

Dino Libralato